



LESAKAKO UDALA.

LESAKAKO KONBENTUKO GELA AISIALDIKO ERABILTZEKO, GAZTE LEKUA KOORDINATZEKO ETA HAURRAK PARTE HARTZEA DINAMIZATZEKO ARDURADUNA KONTRATATZEKO DEIALDIA.

1. Arau orokorrak.

1.1. Xedea: Lesakako Udalak Konbentuko gela umeek erabiltzeko ireki nahi du. Horretaz arduratzeko (arratsalde ireki eta itxi), gelaren garbiketa egiteko, bertan arauak errespetarazteko eta aisialdiko ekintzak antolatzeke pertsona bat kontratatzea da helburu. Baita gazte lekua koordinatzeko eta haurren parte hartzea dinamizatzeke.

1.2. Arduradunak administrazioko C mailako kontratua eta lan sariak izanen ditu.

1.3. Kontratua 2021eko azaroaren 3tik 2022ko apirilaren 13 arte iraunen du.

2. Eginbeharrak.

2.1. Konbentuko gela ireki eta itxi (arratsaldeko 16:00etatik gaueko 20:00ak arte), astelehenetik ortziratera.

2.2. Haur taldeak dinamizatzea.

2.3. Bukaeran, haur txokoaren proiektuaren memoria egitea.

2.3. Antoiu kaleko udaleko lokala erabiltzeko gunea koordinatzea.

2.4. Haurrak parte hartzeko dinamizazio lanak egitea.

2.3. Eman dakizkiokeen bertzelako lanak.

3. Izangaien baldintzak.

Eskaerak aurkezteko epea amaitzen den egunerako honako baldintza hauek bete beharko dira:

- Europako Elkarteko hiritarra izatea
- Hamasei urte beteak izatea.
- Administrazioko C mailako lanpostuetan eskatzen den titulazioa izatea, hau da, Batxilergoko titulua, bigarren mailako Lanbide Heziketakoa edo baliokideren bat izatea. edo horien baliokide izan daitekeen bertzelako tituluren bat.
- Euskaraz jakitea, C1 mailaren titulua, EGA edo baliokidea den Hizkuntza Eskola Ofizialeko Gaitasun Agiria aurkeztuz egiaztatua, edo eskatutako hizkuntza eskakizuna duela egiaztatzen duen berariazko probaren bidez, Nafarroako Administrazio Publikoetan euskararen erabilera arautzen duen otsailaren 10eko 29/2003 Foru Dekretuan ezarritakoari jarraituz.
- Eginkizunak betetzeko gaitasun fisiko eta psikiko aski izatea.
- Eginkizun publikoak betetzeko ezgaiturik edo gabeturik ez egotea, eta administrazio publikoaren zerbitzutik baztertua ez egotea.
- Lan gabe egotea, eta lan eskatzaile gisa inskribaturik Nafar Lansare-Nafarroako Enplegu Zerbitzuaren menpeko enplegiaren batean.

4. Izen emateak eta eskaerak.

Eskaerak Lesakako Udalaren egoitzan (Plaza Zaharra 1. 31770 Lesaka) aurkeztu behar dira, 2021eko urriaren 25 arte, 15:00ak baino lehen. Hau da aurkeztu beharreko dokumentazioa:

- Eskaera orria (erasten den eredia behar bezala beteta).
- Nortasun agiriaren fotokopia konpultsatua.
- Eskatzen den titulazioa edo baliokidea.
- Baloratzen ahal diren merezimenduak (ikastaroak eta lan esperientzia) egiaztatzen dituzten agiriak.

Eskaerak aurkezteko epea luzaezina da.

5. Epaimahai kalifikatzailea.

Epaimahaia honako hauek osatuko dute:

Mahaiburua: Lesakako Udaleko alkatea.

Ordezkoa: Lesakako udaleko alkateordea.

Mahaikidea: Bortzirietako Oinarrizko Zerbitzuen Mankomunitateko teknikaria.

Ordezko mahaikidea: Bortzirietako Oinarrizko Zerbitzuen Mankomunitateko teknikaria.

Mahaikide-idazkaria: Lesakako Udaleko idazkaria.

Ordezko mahaikide-idazkaria: Berako udaleko idazkaria.

Epaimahaia probak hasi aitzinetik eratuko da eta gehiengoz erabakiko ditu deialdi honen oinarriak ulertu eta aplikatzean sor daitezkeen arazo guztiak.

6. Euskara proba.

Euskara maila neurtuko da:

-C1, ahozkoan.

-B2, idatzizkoan.

7. Idatzizko proba.

Idatzizko proba egingen da. Proba horren bidez neurtuko da izangaiek lanposturako duten ezagutza eta gaitasuna. Proban lanpostuan gerta daitekeen egoera baten aitzinean izangaiek proposatzen duten irtenbidea neurtuko da. Probak 30 minutu iraunen du. Izangaiei aitzinetik txandak emanen zaizkie eta ariketa prestatzeko denbora izanen dute. Guztira 70 puntu balio du.

8. Merezimenduen balorazioa.

Atal honetan gehienez ere 30 puntu lortu ahalko dira. Aurkezten diren merezimenduak baloratu ahal izateko agiriak aurkeztu beharko dira.

Honako merezimendu hauek baloratuko dira:

- Formakuntza (gehienez ere 15 puntu):
 - Irakaskuntzan, Pedagogian nahiz Kale Heziketan unibertsitateko titulazioa, erdi nahiz goi mailakoa, izatea edo aisialdi eskola batek egiaztatutako begirale titulua izatea: gehienez ere 8 puntu.
 - Haurren aisialdiarekin zerikusia duten ikastaro, tailer, jardunaldi eta antzekoetan parte hartu izatea: gehienez ere 7 puntu. Horrelakoak egin izana egiaztatzen duen ziurtagiria aurkeztu beharko da, eta bertan garbi jaso behar da horien iraupena ordu kopuruaren arabera. Puntuak emateko oinarri gisa hartuko da 10 orduko ikastaroa, eta horietako bakoitzagatik 1 puntu emanen da; ikastaroak gehiago edo gutxiago iraun badu, puntuak proportzioan kalkulatu dira.
- Lan esperientzia, lanpostuarekin zerikusia duena (gehienez ere 15 puntu): hori egiaztatzeko enpresa edo elkartean ziurtagiria edo lan kontratua aurkeztu beharko da; betiere, aurkezten diren dokumentuetan argi eta garbi adierazi beharko da lanean emandako denbora (kontratuaren hasiera eta bukaera egunak, eta lanean emandako ordu kopurua), eta zehazki zein lanetan aritu den. Lan honetan emandako 60 orduko puntu 5 zenbatuko da.

9. Emaitzak.

Lehiaketaldiaren emaitzak argitara emanen dira oposizioaldia hasi baino lehen.

Emaitza orokorrak 2021eko urriaren 29an, emanen dira argitara, udalaren webgunearen bitartez.

10. Datuen babesa.

Eskatzaileen datuak abenduaren 5eko 3/2018 Lege Organikoan ezarritakoaren arabera babestuko dira. Datuak Lesakako Udalaren lan poltsaren fitxategietan sartuko dira. Norbere datuak ikustea, zuzentzea eta ezereztea eska daiteke baita tratamenduari aurka egitea ere. Horretarako, eskaera bat bidali behar da, idatziz, helbide honetara: Lesakako Udala, Plaza Zaharra,1, 31770 Lesaka (Nafarroa) / udala@lesaka.eus.



LESAKAKO UDALA (NAFARROA)
AYUNTAMIENTO DE LESAKA (NAVARRA)

11. Helegiteak.

Deialdi honen edo aplikazio egintzen aurka helegite hauetakoren bat paratzen ahal da, aukeran:

- Administrazioarekiko helegitea, Nafarroako Auzitegi Nagusian dagokion sailaren aitzinean, argitara eman eta biharamunetik hasi eta bi hilabeteko epearen barrenean.
- Horren aurretik, eta hala nahi bada, gora jotzeko helegitea, Nafarroako Administrazio Auzitegian, argitaratzen denetik hasi eta hilabeteko epearen barrenean.
- Berraztertzeko helegitea, erabakia hartu duen organo berari zuzendua, hilabeteko epearen barnean, jakinarazpen hau hartu eta biharamunetik kontatzen hasita.

Lesakan, 2021eko urriaren 15ean
Alkatea, Ladis Satrustegui Alzugaray.

I. ERANSKINA
Eskaeraren eredia

Eskatzaileari buruzko datuak:

Izen-abizenak:	
Helbidea:	
Herria eta P.K:	
Telefono zenbakia:	
Posta elektronikoa:	

Azalpena:

- Lesakako Udalak begiralea kontratatzeko deialdia egin du, eta horretan parte hartu nahi dut.
- Eskakerak aurkezteko epea bukatzean deialdian eskatzen diren baldintza guztiak betetzen ditut.
- Ez dut karguan aritzea galarazten didan ezintasun fisiko edo psikikorik.
- Honekin batera eskatutako dokumentazioa eta baloratzen diren merezimenduak egiaztatzen dituzten dokumentuak aurkezten ditut.

Eskaera

Eskaera hau jasotzeko eta hautaketa prozesu honetan onartua izateko.

Lesakan, 2021eko _____aren __ (e)an.
Izptua,

LESAKAKO UDALEKO ALKATEA.-